

PROJEK PEMBANGUNAN INDUSTRI BUAHAN- BUAHAN

I. LATARBELAKANG PROJEK

1. Di bawah Dasar Pertanian Negara (DPN3) industri buah-buahan adalah satu daripada aspek yang diberi penekanan untuk meningkatkan ekonomi negara. Tumpuan utama adalah untuk memastikan bekalan buah-buahan yang dikeluarkan adalah bermutu tinggi, mencukupi dan dapat memenuhi permintaan buah-buahan segar dalam negara dan juga untuk industri pemrosesan. DPN3 juga adalah bertujuan untuk membangunkan industri buah-buahan berdasarkan kepada jenis buah-buahan terpilih dan yang mempunyai peluang di pasaran antarabangsa. Di bawah industri ini 2 subprojek telah dilaksanakan antaranya:
 1. Pembangunan Dusun Komersil dan Pemulihan Dusun
 2. Pemerhatian dan Promosi Teknologi
2. Bagi Pembangunan Dusun Komersil dan Pemulihan Dusun, pemilihan kawasan bagi projek ini adalah bergantung kepada kesesuaian topografi, jenis tanah dan kluster tanaman tersebut. Bagi kawasan baru, lokasi tersebut akan dikenalpasti dan ditanam dengan buah-buahan terpilih mengikut zon dan kluster kawasan yang telah dikenalpasti. Buah-buahan yang dipilih adalah dari jenis yang tidak bermusim (Betik, Nanas, Pisang, Jambu batu dan lain-lain) dan bermusim (Mangga, Durian, Manggis dan lain-lain). Pewujudan projek ini juga dapat memastikan petani-petani yang mempunyai saiz tanah yang kecil dapat mengusahakan tanah-tanah mereka dengan lebih produktif dan memperolehi pendapatan berterusan sepanjang tahun. Keluasan minima untuk pembangunan dusun komersil adalah 2 hektar untuk sesuatu tanaman.
3. Bagi projek pemerhatian dan promosi, ianya melibatkan penilaian, pembangunan dan penyesuaian teknologi baru hasil daripada penyelidikan dari institusi-institusi penyelidikan samada dari dalam dan luar negara dan diamalkan mengikut keadaan setempat. Petak pemerhatian teknologi dijalankan di stesen-stesen pertanian dan juga di ladang petani di seluruh Semenanjung Malaysia. Petak promosi pula dijalankan bertujuan untuk mempromosikan teknologi yang terkini dan sediaada di ladang petani yang dipilih bagi menarik minat petani lain yang ada di sekitar kawasan tersebut.

II. PENJELASAN MENGENAI PROJEK

4. Sasaran peningkatan pengeluaran makanan sehingga mencapai peningkatan eksport dan lebih dagangan dalam tahun 2010 adalah satu matlamat yang sungguh mencabar. Walau bagaimana pun, matlamat ini hanya dapat dicapai dengan tindakan yang drastik apabila pembangunan industri ini disokong dengan kemudahan infrastruktur yang lengkap. Kemudahan infrastruktur yang lengkap, bahan tanaman yang bermutu tinggi dapat dikeluarkan untuk dibekalkan kepada pengusaha dan teknologi terkini dalam pengeluaran tanaman makanan serta pengendalian lepas tuai dapat diamalkan. Sehubungan ini peningkatan produktiviti ladang dan kualiti hasil akan tercapai. Seterusnya rangkaian pemasaran hasil ladang dapat diperluaskan dan pendapatan petani yang menyertai projek-projek komersil dapat pertingkatkan.